

اللقاء الثاني (سورة التكوير)

القبلة الذريه في الحرب العالميه الثانيه خلصت فى 48 ساعه دي إنشطار الذرات فما بالك بانشقاق المجرات يبقى فيه نظره تطوريه فى الحديث عن الدار الآخره ،، عايز أقول أيه ياإخواتي الكريمات ،، عايز أقول أن لما تلاقو 3 سور بتتحدث عن موضوع واحد أوعوا تفتكروا إن هو موضوع واحد ده إسمه الإشتباه الموضوعي المماثل والقضيه إننا نعرف إيه الفرق بين السوره والسوره الثانية

الأعجاز التغيري لسوره التكوير والسور الي حولها .

يعني أيه الأعجاز التغيري ،، يعني السوره دي لو دخلت فى حياتك ممكن تغير فى حياتك أيه ؟؟ زى سوره مثلاً الأعلى لما عاش معها أبو بكر الصديق طلع كل ماله لله فنزل بعدها سوره تمجد فى بطوله كل الي طلع ماله لله

سور المرحله السريه عموماً والسور الاولى عموماً هي الي خلت النبي صلي الله عليه وسلم وقف على جبل الصفا قدام الدنيا كلها وهتف بكلمه الحق ولم يخشى فى الله لومه لام المدينه المنوره كان فيها ظاهره فى غايه السوء كانت أسوأ قريه فى الجزيره العربيه بالغش التجاري يعني تخيلوا كده وكانت مشهوره بحاجتين غير ان اليهود متجمعين فيها مشهوره بالحمي والوباء والغش التجاري ،، يعني ربنا ميخترش للنبي غير القرىه الي كلها يهود وفيها حمه ووباء كمان وكلها غش تجاري وناس يعني غشاشه فى المعاملات التجاريه وكمان قريه مهياش زي مكه البلد المركزيه فى الجزيره العربيه كلها عارفين ليه ياإخواتنا ؟ عارفين ليه ياإخوانى ؟

عشان ربنا يورينا معجزه الدين والأثر التغيري للدين ونؤمن بطاقيات القرآن علي تغيير الواقع .. قد أيه القرآن له أثر أعجازي وتغيري ، لو أحنا نزلنا .. عشان كده أسمه المعهد القرائي الدعوي ليه ؟ لأننا لو ارتبطنا بالقرآن ونزلنا ندعوا بالقرآن هنغير الدنيا كلها هنقلب مسار الدنيا كلها بس أحنا نصبر علي كتاب الله سبحانه وتعالى

يعنى المدينه المنوره كده كانت عامله زي ميدان رمسيس حط أيديك على جيبك وأنت ماشي فى الشارع وحط أيديك على محفظتك وأنت ماشييه فى الشارع سوره المطففين والجزئيه دي نفت الصوره دي فى المدينه المنوره ده بيبرنا بالقرآن ، ده بيبرنا بالأثر الواقعى والأثر التغيري للقرآن

يبقى الشوط الثاني ببيث فى قلوبنا الثقه فى القرآن إنه ممكن يغير قلبك إن الشبهات الي جوا قلبك دي القرآن ممكن يغيرها

الامراض النفسيه الي عندك العجب والكبر والغرور والأنا كل ده ممكن يتغير بالقرآن من أي سرطان نفسي متوجل جوه نفوسنا إن ضعف العزيمه الي عندنا الي مالي حياتنا فى العباده والدعوه الي الله إن كل ده ممكن القرآن يغيره بل على المستوى المجتمعي مين الي يقدر يغير المعاملات الماديه مين الي يقدر يقع شعب مصر إنه يسبب البنوك الربويه ؟

يبقى سبحانه الله العظيم لازم نفهم إن القرآن هو العلاج لتغيير المجتمع الي إحنا عايشين فيه ،، يبقى دي حاجات لازم نأخذ بالنا منها وإحنا بنغير الناس وإحنا شغالين فى الدعوه الي الله قد إيه القرآن ممكن يغير الحياه

غير إن الشوط الثاني ده بيتكلم عن الآخره أو عو تنسوا الاثر التغييري للدار الآخره .. أو عو تنسوا الاثر التغييري في الكلام عن الجنه أو عو تنسوا الاثر التغييري في السماع عن النار .. أو عوا تنسوا الاثر التغييري الرهيب لتعزيق معاني الدار الآخره في قلوبنا عشان كده لازم نسمع عن الدار الآخره باستمرار هتلاقى تذكر الجنه بيقومك من أعمق نوم إنت نايماه تقومي الليل ليه؟؟ هو ده اثر كلام القرآن عن الدار الآخره

يبقى إحنا دلوقتي مش بنتكلم عن معجزات ماديه حصلت قدام النبي عليه الصلاه والسلام .. مش بنتكلم عن الاعجاز البلاغي في القرآن أو الاعجاز العلمي ،، إحنا بنتكلم عن إعجاز القرآن في بناء أعظم حضاره على الكره الأرضيه ، إعجاز القرآن في إحداث تغيير في النفس البشرية الي إحنا سمناه قبل كده في سلسله القرآن غيرني في رمضان الاعجاز التغييري لكلام الله وللقرآن العظيم وللقرآن المجيد واليوم الآخر إحنا هنتكلم عن اليوم الآخر في هذه السوره ..الإيمان بالاليوم الآخر ده اصلا من ضمن العقيده ده من ضمن شعب الإيمان وده من العقيده الإيمان بالاليوم الآخر يبقى الي إحنا بنتكلم فيه ده مش درس تفسير ده درس عقيده الحديث عن الجنه والنار والقبر دي دروس عقيده إحنا بنأسس فيها عقائدهنا ياجماعه

طيب بالنسبة لزمن النزول ؟

سوره التكوير ها عايز حد منكم يقولي سوره التكوير هي السوره رقم كام في ترتيب نزول السور ؟؟
أختنا أمينه قالت السابعة مين موافقه على الكلام ده وممين معترضه على الكلام ده ؟؟
أيه معلوماتكم عن زمن نزول سوره التكوير ؟؟
هي السابعة فعلا ...

نزلت بعد سوره الفاتحه ونزلت قبل سوره الاعلي

يبقى الفاتحه نزلت وبعد كده سوره التكوير وبعد كده الاعلي

سوره التكوير من السور الي بتتكلم عن الترهيب والدار الآخره يبقى ده رد علي الي بيقول منتكمش بالترهيب وآخذين بالكم معايا يبقى السور دي هي اول معاني طرقت قلب سميه عشان تضحي بعمرها
قادم ابو جهل

لا مش في المرحله الجهرية أختنا عائده .. أنتوا مش مذاكرين معايا كويسي في سنه اولي السنه الي فاتت ولا ايه نراجع لكم على منهج سنه اولي تاني ولا ايه ياجماعه

المفروض ان الكلام ده واضح بالنسبة لكم جدا إن سوره التكوير من سور المرحله السريه ..من أول عشر سور نزلوا في كتاب الله والعلماء عدوها السوره السابعة نزلت بعد سوره الفاتحه وقبل سوره الاعلي

لازم نبقي وآخذين بالننا من حكمه ترتيب السور اصلا ونفهم السور نزلت أزاي ؟؟

يعني مثلا نزل المزمل والمدثر وأقرأ .. السور الي كلها او امر يلاقرأ يلا قم الليل يلا قم فأنذر يبقى سور المجاهده نزلت الاول

بعد كده نزلت الفاتحه الي هو ايه الموضوع مش بالدراع ده فيه إفتقار الي الله إياك نعبد وإياك نستعين إهدنا الصراط المستقيم معنى الافتقار

بعد كده نزلت سوره الي بتكتشف الكلام عن الدار الآخره زي سوره التكوير

بعد كده سوره الي بتكتشف الكلام عن معرفه الله الي هي سوره الاعلي

يبقى شوط في الكلام عن الله والدار الآخره بعد كده بدئث الثمره تطلع سوره الليل أعطي وإتقى وصدق

بالحسني الناس الي ضحت بكل ماتملك عشان ربنا
بعد كده جت سوره الفجر سوره النفس المطمئنه .. يعني لما ابوبكر طلع كل ماله في سوره الاعلي ولما
النبي عليه الصلاه والسلام عمل بالدعوه كل ده وهي نفوس مطمئنه بالله ولايهمها الكفار ولا بتخاف من
اهل الباطل

طيب دي معلومات مبدئيه كده عن سوره التكوير
آخر حاجه قولناها فى زمن النزول يعني تخيلي ان دي سابع سوره يعني تخيلي كده لما كان المصحف
لسه سبع صفحات لما كان الصحابه قاعدين يصلوا قيام ليل ولسه مفيش غير سبع صفحات بس أو أقل
كمان

طيب نتكلم بقا عن الترابط الموضوعي لسوره التكوير ؟

قولنا انها 12 سوره فوتونغرافيه ملتقطين من 50 الف سنه ده تلخيص قرآنی ليوم القيامه يعني لعمل
معرض صور عن يوم القيامه يلخص لنا اخطر المشاهد فى 50 الف سنه
السوره التقاطت 12 مشهد .. التقاطت اشد لحظات بيقشعر لها البدن ويшибب لها شعر الراس واولها
الشمس **إِذَا الشَّمْسُ كُوَرَّثٌ** " على فكره ياجماعه الشمس مذكرتش فى ايات يوم القيامه الا مرتين
يعنى الجبال ذكرت كتير انما الشمس ذكرت مرتين بس واولها إذا الشمس كورت ،، أولها كده بدايه
القصه إن الشمس دي هتختفى من المشهد تماما تماما

دلوقتي سوره التكوير نصفين النصف الاول الي هي مشاهد يوم القيامه والنصف الثاني بيتكلم عن
الخس الجوار الكنس والكون الجميل ..

طيب إيه الترابط بقا ؟ إيه الترابط بين النصف الاول والثانى ؟
طيب إيه الترابط الاول بين النصف الاول اصلا ؟

إيه الترابط بين النصف الاول و الثاني؟ النصف الاول بيتكلم عن الكون وهو منقلب والنصف الثاني بيتكلم
عن الكون الجميل الكون البديع الكون العظيم
كان الحقوا قبل ماينتقلب الكون يستثمروا وتدبروا فى الكون البديع الجميل ده تدبروا فى هذا الكون
ال رائع

طبعا السور العشره الاولى في القرآن الي في المرحله السريه تكلموا عن التدبر في خلق الله كلام عظيم
جدا تكلموا عن التدبر في خلق الله كلام رائع بحيث ان انتوا حد منكم يمسك بحث عن التدبر في خلق الله
من سور المرحله السريه من اول 10 سور نزلوا في القرآن في المرحله السريه
إن الناس تأخذ النقطه دي قد إيه التدبر في الخلق كان بيمثل معاني تأسيسيه للايمان وللدين في بدايه
الدعوه

طيب إيه الرابط بين 12 مشهد دول بقا ؟
الرابط بين 12 مشهد هو عذاب الرعب يوم القيامه
الشمس كورت .. ده تجهيز مسرح الاحاديث الي هيقوم عليه الانسان من تحت التراب
طبعا انتوا عارفين ان العلماء مختلفين هذه المشاهد بتحصل فى نهايه الدنيا فى اول يوم القيامه ولا هذه
المشاهد بتحصل فى بدايه يوم القيامه
يعنى من الاخر المشاهد دي مع نفخه الفزع " أنتوا عارفين ان فيه ثلات نفخات نفخه الفزع الي هي يوم
القيامه بيقوم والدنيا بتتقلب والناس بتترفع
بعد كده نفخه الصقع **"فَصَعَقَ مَنِ فِي السَّمَاوَاتِ وَمَنِ فِي الْأَرْضِ إِلَّا مَنْ شَاءَ اللَّهُ"** الزمر:68. الي هي

الكون كله بيموت

بعد كده نفخه البعث الي هي " ثُمَّ نُفْخَ فِيهِ أُخْرَى فَإِذَا هُمْ قِيَامٌ يَنْظَرُونَ " الزمر : 68 الكون كله بيقوم
العلماء مختلفين المشاهد دي مع نفخه الفزع الي هي اخر الدنيا المشهد الي الناس بتموت عليه ولا مع
نفخه البعث الي هي بدايه القيامه المشهد الي الناس بتتصحي عليه
وأي كان الموضوع فالناس هتموت علي مشاهد مفزعه وتحتصي علي مشاهد مفزعه
والقول الي احنا مركزين عليه ان دي بدايه .. ف ناس بتؤمن لا طبعا ان هذه المشاهد خلاص معدش فيه
ايمان هنا اصلا القصه انتهت ده يوم القيمه " يَوْمَ يَأْتِيَ بَعْضُ آيَاتِ رَبِّكَ لَا يَنْفَعُ نَفْسًا إِيمَانُهَا لَمْ تَكُنْ
آمَنَّتْ مِنْ قَبْلُ أَوْ كَسَبَتْ فِي إِيمَانِهَا خَيْرًا " الانعام : 158 يبقى القول الي انا بالنسبة لي ماشي عليه ان
دي بدايه يوم القيمه وان كان فيه مشاهد سيدفع منها الكثير جدا في نهاية الدنيا
يبقى الرابط ما بينهم هو عذاب ايه ؟ عذاب الرعب .. الانسان هبيع من تحت التراب علي المشاهد دي
قالوا بقا واحد صحي الساعه 2 بالليل لقي المكان كله ظلمه وتخيلا حولي اصوات رهيبة بقا من الفزع
والرعب والوحوش محشوره فتخيلوا ان اول حاجه بيعيش عليها الظلام التام
بعد كده إذا النجوم إندرت .. الإنكدار ده له معاني من معانيه هجوم النجوم علي الارض وهجوم الكواكب
علي الارض
من ضمنها الكدره وتغير اللون .. السما هتسود تماما وتهتفي تماماما من ضمنها الانطفاء معدش فيه معلم
فوق ولا تحت يبقى ده ايه مشهد رعب
يبقى النجوم لما تندر معدش عارف فوق من تحت ولا ليل من نهار
تكوير الشمس معدش حد عارف ليل من نهار معدش فيه قمر اصلا لان القمر بيأخذ نوره من نور
الشمس
يبقى لما النجوم تندر معدش فيه معلم اصلا .. معدش غير هجومها علي الارض

بعد كده إذا الجبال سيرت .. الجبال بتحمي الارض من 3 مظاهر مرعبه ،، بتحمي الارض من الزلزال
المرعبه لأنها بتثبت الارض وبتحمي الارض من البراكين المرعبه لأن هي قافله الفوهات المفتوحة في
القشره الارضيه الي تحتها علي طول حم بركانيه فلو اتشالت الجبال البراكين تطلع ،، وبتحمي الارض
من الرياح المرعبه نتيجه فارق درجه الحراره الرهيب ما بين القطبين الشمالي والجنوبي وخط الاستواء
الناري فيحصل رياح مرعبه الي بيصد الرياح دي عن البشر هي سلاسل الجبال الموجوده
يبقى دي الثلا ث وظائف للجبال :

- 1- بتحمي الارض من الزلزال يعني لما الجبال تسير هيحصل زلزال
- 2- بتحمي الارض من البراكين البراكين هتلغي علي الناس
- 3- وبتحمي الارض من الرياح الجباره لأن العلماء لما قاسوا درجه الحراره بين القطب الشمالي وخط
الاستواء لقوا الفرق 100 درجه فقالوا لو لا السلاسل الجبلية الي مليه الارض والتنوع الجغرافي في
الارض ان هي طالعه ف حته ونازله في حته كانت الرياح دي بسرعات تنفس كل الي يقابلها في الطريق
يبقى إذا ظلام مرعب ،، اصوات مرعبه ،، مفيش معلم ،، رياح مدمرة ،، وبراكين مرعبه ،، زلزال مدمره
يعني سبحان الله العظيم كل ده مع صراخ العصاه الي هما طالعين من تحت التراب
يعني الجنين وهو خارج من بطن الام بيخرج خايف ومرعوب وبيسميهها علماء النفس صدمه الميلاد أمال
بقا الي طالع من عالم لعالم
وإذا العشار عطلت والوحوش حشرت المعينين دول بيكملوا بعض لان العشار عكس الوحش .. العشار

من العشره والانس والونس والوحوش من الوحشه
فالعشار عطلت بعض المفسرين قال العشار من العشره يعني جميع العلاقات البشرية والعشائر والعشره
بين الزوج والزوجه والاصحاب والاتاتيم والي بيحب واحده والي بتحب واحد والام وولادها كل العلاقات
البشرية بتنهار ،، إذا العشار عطلت كل العلاقات البشرية بتنهار !

فمعنى مرعب ايه الي يخلي العلاقات البشرية تنهار .. ايه الي يخلي عواطف البشرية تنهار ؟
بعد كده إذا الوحوش حشرت يعني الاسود والفهود والنمور شايفه العشار لأن العشار بردہ الي هي الابل
الحوالى فى الشهر العاشر وشايفه بنى ادمين ومبتقربش منهم ليه ؟؟ لأن هي نفسها دمها محبوس هي
نفسها مرعوبه

تخيلي نفسك كده صحيتي لقيتي نفسك فى قفص اسود والاسود بتزمر حواليك وبعد كده فوجئت ان
الاسود نفسها مرعوبه !! طيب أنت بقا تخيلي حالتك هتبقي أيه فى هذا الوقت وفي هذه اللحظه
وإذا البحار سُجِّرَتْ .. الميه بقت نار 81 فى الميه من مساحه الكره الارضيه ميه تخيلوا بقا كده لما
البحار دي كلها كانها بنزين وولع يبقى المنظر ايه ؟

علِمَتْ نَفْسٌ مَا أَحْضَرَتْ التركيز على لفظ النفس هنا ليه ؟ لأن القلب هو محل المشاعر إنما النفس
هي محل الرغبه .. هي احلام اليقظه بقا والشاب الي بيحلم يمشي مع بنات والبنت الي بتحلم تمشي
كاسيه عاريه والشباب ينبعها كل دي النفس الي نفسه يطلع مقى مشهور والي نفسها مش عارف
ايه ؟ والي نفسه يعلو والانا بتاعته تزداد
النفس دي هي الي دمرت الانسان اصلا هي الي عملت جدران بينه وبين ربنا أنا نفسي في كذا ؟ أنا بحلم
بكذا !

أحلام اليقظه جي لما الانسان يغمض عينيه كل دي هي النفس
علِمَتْ نَفْسٌ مَا أَحْضَرَتْ يعني النفوس الي كانت حاجز بينك وبين ربنا سبحانه وتعالي في اللحظه دي
هتفوق على الحقيقه المره

طبعا كلها مشاهد الرابط بينها زي ماقلنا ف الترابط الموضوعي الرعب ..
أختنا هبه القرآن بتقول هو كل الناس بتشفوف هذه المشاهد ؟
في نفخه البعث الناس كلها بتشفوفها لو قولنا ان الكلام ده في نفخه الفزع يعني في نهاية الدنيا يبقى 99
في الميه من البشرية مش هيشفوفها اصلا ولا هيشفوف المشاهد دي ولاهيرعرف عنها حاجه
إنما البشرية هتفوق كل المشاهد دي فده بيدل علي ان هذه المشاهد الي الناس هتسقط عليها في
البعث ،،

وإذا النُّفُوسُ رُوَجَتْ .. ايه الرعب في كده ..
الرعب ان الواحد يصحي يلاقي نفسه وسط صحبه من الزناه او القتل او او فده معناه ايه بقا ؟ معناه ان
مصيره زيه يعني سبحان الله العظيم

وإذا الْمُؤْوِذَةُ سُئِلَتْ بِأَيِّ ذَنْبٍ قُتِلَتْ .. بنت عندها يومين ادفت أبوها وأدتها لما دي بقا تسأل قبل
مالناس كلها تسأل يعني تخيلوا كده لما نبدأ العرض على الله والمؤذه تسأل واهل الحشر كلهم واقفين ،،
إذا كان العدل وصل لهذه الدرجة إمال الكبار هيتسألوا قد ايه وهيعمل فيهم ايه .. إذا كان العدل وصل
لهذه الدرجة ان الي عمرها ساعات يتعمـل لها محـاكـمه مـخصوصـه من أجـلـها يوم الـقيـامـه
أمال بقا الي ظلموا المتدينين والي ظلموا أهل الدين !!

وإذا الصُّحْفُ نُشِرَتْ وَإِذَا السَّمَاءَ كُشِطَتْ .. الناس بيتهيا ليها ان السماء دي هي الحاجه الي فوق لما

السماء تتشال بقا ويظهر مافوقها من عرش الملك وملائكة السموات السبعة وجلال الله في الكون تخيلوا ياخونا

وإذا الجَحِيمُ سُرِّعَتْ .. الحيوان المسعور ده دايما بيقي كلمه مرعبه يعني التسuir جنب كلمه الجحيم الكلمتين يربعوا اصلا ،، الجحيم سرعت .. يعني هي جحيم وكمان سرعت سبحان الله العظيم كل ده بقا إذا إذا إذا يعني ليه ربنا مقالش إذا الشمس كورت والنجوم إندرت والجبال سيرت العلماء قالك كان كل مشهد من دول عالم لوحده .. غير ان المشاهد دي ياجماعه مش بتحصل كلها مع بعض فيه مشاهد منها ساعه البعث ومشاهد منها ساعه الحشر ومشاهد منها ساعه العرض .. يعني المشاهد دي بينها وبين بعضها الاف السنين أصلا فكل مشهد فصل ب إذا إذا .. ده أطول شوط فى شروط إذا القرآن 12 مره ورا بعض فده بيدل على التنوع الرهيب فى مشاهد الرعب يوم القيمة فى النهايه بقا وإذا الجنه أزلفت .. منظر الاهفه بقا على الجنه وهي بتقرب بقا يعني تخيلي كده واحد وهو فى وسط مشاهد الرعب دي لو شاف بس كولدير ميه ساعده هيقع من طوله اصلا طيب لو شاف بقا اوين بو فيه طيب لو شاف الجنه بقا !!

علِمَتْ نَفْسٌ مَا أَخْضَرَتْ .. الإعتراض بقا على ثواب الدين والجحاب ،، الي بيعرضوا دلوقتي على حكم المعازف وعلى حكم الحجاب والفيس بقا مليان والنت بقا مليان وتربيه ومش لازم عشان ترضي ربنا انك تتجبجي وانت روعه مش عوره والكلام وكل ده ساعتها هيعرف بالظبط ايه الي كان صح وإيه الي كان غلط !!

وليه لفظ نفس بقا ياخوانا قولنا السبب الي بيجادلو اصلا مش الجهل ده سببها النفس علمت نفس لأن هوي النفس هو الي كان بيلاقي ان الدعوه الي الله عكس هوها فكانت النفس بتهرب انها تواجه نفسها ان هو ده مراد ربنا سبحانه وتعالي ..

وده بردہ بيفهمنا درس خطير فى فن الدعوه الذكيه الي مبتقمش على الامر والنهي فى الاول إنما تقوم على مداخل القلوب الاربعه لو انتوا عارفين مداخل القلوب الاربعه الي هي (معرفه الله _ الاثر الدنيوي للطاعة والمعصيه - هم الدين - هم الاخره)

هي دي المداخل الاربعه للقلوب الي نكلم الناس الاول قلبها يتفتح نبدا بقا نكلمها ايه فى الامر والنهي .. لما بيجيلى شاب بيقولي حكم الذقن ايه ؟ أقصر بنطلوني ولا اعمل ايه ؟ أنا عارف أن الشيطان بيجي للملتزم الجديد والملتزم الجديد ويبدا يووسوس لهم فى بعض الاحكام الي صعبه عليهم فى المرحله دي عشان ميقدروش يجلهم احباط ينتكسوا

بقولهم لا المثل الي بقوله دايما فى المرحله دي زي الي واقف في مسجد ظلمه يجي شويه نور يشوف المنبر النور يزيد يشوف العواميد النور يزيد يشوف السجاد يفضل النور يزيد لحد مايشوف الذبانه الطايره فى الهوا فبقوله ياحبيب قلبي رکز ان النور يجي وبعد كده انت هتشوف كل حاجه بنفسك طيب بردہ علمت نفس مأحضرت .. ليه كلمه نفس هنا ؟

التربية النفسيه ياجماعه يعني إحنا قاعددين نطلع فوائد تربويه ومقاصد تربويه من كلمه نفس بس ليه كلمه نفس ؟ !

ليه كلمه نفس تذكر هنا لأنها كانت الجدار الي بينك وبين ربنا بردہ عشان موضوع التربية النفسيه عشان ترابط الشوط ده اصلا بيتكلم عن تغيير مجري النفس **وَفِي ذَلِكَ فَلَيَتَنَافَسُ الْمُتَنَافِسُونَ** .. النفوس بتتنافس على الدنيا ربنا بيقول لاتنافسوا على الآخره تنافسوا على الرحيق المختوم مش على رحيم الدنيا الزائل زهره الحياة الدنيا لنفتتهم فيه

برده كلمه نفس عشان مسأله التربيه النفسيه من أخطر أنواع التربيه الملزمين والملزمات مركزين على التربيه القلبية الي هي أيه بقا ؟ أزاي أحس بنعم ربنا .. أزاي أحب ربنا .. أزاي أخاف من ربنا إنما فيه حاجه اسمها التربيه النفسيه . أزاي أتخلص من الاهواء أزاي أتخلص من الآتا من حب المركز من حب الشهره من حب الموقع أزاي

برده كلمه نفس جاءت نكره عشان إحساس الانسان بمدي حقارته ووضاعته بعد ماعصي ربنا يوم القيامه والله أعلم

كلمه نفس جاءت بالإفراد .. كل واحد هيلامي نفسه يوم القيامه لوحده
وَلَا يَسْأَلُ حَمِيمٌ حَمِيمًا (10) المعارض.. محدث هبيص لحد

ربنا قال بعدها **يُبَصِّرُونَهُمْ** .. الملانكه هتقوله شايف حبابيك بيتعذبوا اهو حبابيك الي كانوا بيعصوا ربنا وبتعصي ربنا معاهن بيتعذبوا اهو وي عمل ولا كأنه داري ولا كأنه شايفه
عَلِمَتْ نَفْسٌ مَا أَخْضَرَتْ .. طبعا كلمه ما أحضرت بتقول لكل واحد متنا حضرتي أيه يوم القيامه ؟ الواحد لما بيكون مسافر بيحضر للسفر ,, عنك إمتحانات بتحضيري لامتحان ,, لو أنا عندي خطبه جمعه حضر للخطبه .. طيب حضرنا إيه ل 50 ألف سنه !

إذا لو كنا رايحين نتنفس فى بلد بنحضر 10 ايام قبلها .. أمال الي إدفن 50 الف سنه يوم القيامه و 7 آلاف سنه تحت التراب يبقى يوم القيامه ده فيه موافق رهيبه محتاجه تحضير رهيب رهيب ياأخوانى فى الله

الاشتباہ الموضوعي في السوره ..

يعني إيه الإشتباہ الموضوعي .. زي ماتكلمنا في حته إيه النبره التصاعديه في الآيات إن سوره التكوير الاعلي في التصاعد والأعلى الانفطار والأعلى الإنشقاق يعني كان إيه خذوا الناس واحده واحده وأعلوا بالناس واحده واحده تدرجوا في تعليه الناس الناس مش هتلطع السلم مره واحده زائد ان لازم الشحن بتعال النهارده يبقى أقوى من الشحن بتعال امبراح إخلاص أمبارح معدش يكفيك إنك تمشي النهارده خلاص بعد مابدئتي تطلبني علم .. أنت في الاول كان كل تدينك بتصلني ، كان كل تدينك بتلبسي حجاب أمهات المؤمنين فكتني عايزة قدر إخلاص معين دلوقتني بقى شغاله في طلب العلم بقى عايزة إخلاص أعلى لأن العلم عايزة درجه عاليه من الإخلاص ، بقى شغاله في الدعوه عايزة إخلاص أعلى فاحنا محتاجين دايما نعلى في الشحن يعني مش معنى أن التزامك يزيد او تقدمي في الالتزام يبقى معناها انك لازم تسمع دروس اقل أو تبطل تسمع دروس دا انت محتاج تسمع اكتر ومحاج تتشحن اكتر
برده من الاشتباہ الموضوعي في السوره اننا بنلاقي آيات يوم القيامه في القرآن كتير وكثير منها بيتكلم عن القيامه ,, آيات الجنه كتير وكثير منها بيتكلم عن الحور وعن الجنات .. آيات النار كتير وبتكلم عن الجحيم وعن السعير

أوعوا تظنووا ياجماعه ان آيات القيامه واحده وايات الجنه لأنها متشابهه في الالفاظ إنها بتتكلم عن حاجه واحده أو آيات النار .. كل مره فيه جديد ، أمال ليه كل مره فيه الفاظ بتتكرر ؟ لأن ماتكرر تقرر لأن كل مره فيه معاني جديدة سواء في آيات القيامه او الجنه او النار
يعني مثلًا لو مسكننا آيات الجنه .. آيات الجنه في سوره الطور بتتكلم عن أيه ؟ الحياة الاجتماعيه في الجنه

طيب في سوره الإنسان ؟ الرفاهيه بقا جنه وحريرا لبس بنات الملوك
طيب في سوره الرحمن ؟ الفروق الرهيبه بين درجات الجنه وبعض

طيب في سورة الزخرف؟ بتتكلم عن أول يوم في الجنة في البداية فرحة أول خطوه في الجنة، فرحة أول قطمه فاكهه في الجنة، فرحة أول عزومه وأول سكن للقصور بقاعة في الجنة بإذن الله يارب اللهم أرزقنا الفردوس الاعلى بغير عقاب ولا عذاب

طيب سوره يس؟ سوره يس مش بتتكلم عن الجنه " إن أصحاب الجنه اليوم فى شغل فكهون " ده ربنا بيتكلم عن أهل النار وبيكلمهم وبيقولهم شوفوا أهل الجنه بيتعموا قد إيه؟

طيب في سوره النبا؟ قواعد أتراها .. بتتكلم عن النعيم المادي ليه؟ بتكلم شباب كل يوم يقع في الزنا بتقوله نفس الشهوات الي انت بتعلماها دي موجوده في الجنه ولكن أعظم منها وبدون معصيه ربنا ومعصيه ربنا هترحمك منها

يبقى ده إضاءه على الإشتباه الموضوعي في السوره .. يبقى مش معنى إن السوره بتتكلم عن يوم القيامه يبقى نفس الكلام الي اتقال في السور الثانيه لا كل سوره فيها إضافه زي ماقولنا هنا عذاب الرعب ومشهد الرعب رابط كبير في هذه السوره يميزها عن كثير من السور الي بتتكلم عن يوم القيامه إضاءات على الشرح ... إضاءات علي شرح السوره ..

هل ندخل دلوقتي في شرح السوره ولا كفايه علينا كده النهارده وندخل بقا في ماده الدعوه عملی؟ أنتوا شكلوكوا تعانين النهارده عشان كده أنا هوقف هنا بقا والمره الجايه بإذن الله تبقى إضاءات علي شرح السوره نكملي بقا شرح السوره وندخل في النصف الثاني من السوره إن شاء الله هديكم راحه 5 دقائق ودفعه تانيه ودفعه ثالثه هلتقى بيهم مع بعض بإذن الله في ماده دعوه عملی عشان النهارده عايز اشوف بقا اتابعكم واشوف مشاكلكم ايه؟ وبرنامجكم في عشر ذي الحجه ايه؟ لو عندكم مشاكل في الدعوه الي الله ايه مشاكل لان فيه مشاكل تكررت من الكثير منكم ممكن تتناقش فيها بإذن الله سبحانه وتعالي

أنا قولتكم المره الي فاتت ان عايز اعمل فريق لدعم التواصل مع التحضير الواقعى قولتكم هذا الكلام وفيه منكم مجموعه قدمت .. يعني أنا مثلا عايز اكون فريق لأن أنا بسمع اخبار فعلا الواحد بيحس ان شعر راسه هيقف منها من جرأه بنات على ثواب الدين وناس بتعمل حاجات غريبه وبرامج التوك شو يعني كل شويه يطلع حرب رهيبه علي ثواب الدين وجرأه رهيبه من البنات أنا بسمع عن جروبات بنات فيها حاجات غريبه جدا وتصورات غريبه كذلك الواحد بيسمع اخبار مستفذه حتى في مجال الفن ومجال الرياضه فانا فكرت اعمل فريق يساعدني في التواصل مع الواقع أعرف أخبار الواقع ايه؟ أتنين مثلا يمسكولي تلخيص برامج التوك شو الاساسيه الثالث برامج الاساسيه مثلا او الأربع برامج الاساسيه يجيروا ملخصها ويقولولي اتكلمت عن ايه وملخصها ايه؟

إيه آخر أخبار البنات بنات ثانوي واعدادي وجامعه والنوازل بقا بقاعة المعاصي الي بدئت تظهر جديدة وسط البنات وعشان لما نيجي نكلهم في موضوع المرأة حد مثلا يكون بيتابع لي أخبار العلمانيين بيقولوا ايه وبيعملوا ايه؟

حد يجيب آخر الهمشيات واقوي الهمشيات الموجوده وايه الي المجتمع بيتكلم عنه دلوقت بيسموه حدث المدينه يعني بحيث ان احنا نشوف ازاى نوصل الدين للناس من خلال احداث الواقع وده منهج القرآن اصلا بيستثمر أحداث الواقع يعني مثلا سوره الروم حرب عالميه جديده يقوم ينزل سوره الروم فكل اهل مكه هيتجنوا طبعا عايزين يعرفوا التعليق القراني على الاحداث ايه؟ الناس مشغوله لما يكون فيه حجه المجتمع بيتكلم عنها عايزين يشوفوا مين هيعلق فلما نجيب تعليقات القرآن والسنه هتبقي

حاجه قويه ، حد بس ده طبعا يكون كبير متزوج ومختلف حد يتبع لي اخبار الرياضه والفن لأن احيانا
يبقى حاجات مستفزه افلام وحرب علي الدين مثلا وافلام حرب علي الالتزام هتتعمل جديدة يبقي فيه
حاجات مستفزه

فيه حاجات في الاخبار الرياضيه بتبقى مستفزه جدا أزاي الناس وصلت للدرجه دي ؟!
بحيث ان احنا نتواصل معها .. الي منكم باذن الله سبحانه وتعالي مستعده انها تبقي معايا في هذا الفريق
التحضير الواقع والتواصل مع ملفات الواقع تقدم لاختنا زوجه الشيخ احمد طاهر مدير المعهد يعني فيه
شويه من الاخوات قدموا لها واحنا لسه هنختار منهم باذن الله ، الي عايزه منكم تقدم في هذا الفريق ان
شاء الله تمسك مهمه تكون بسيطه كده نشوف نشره اخبار الواقع شكلها ايه ؟ بحيث واحنا بنتكلم في
الدعوة احنا بنتكلم واحنا فاهمين الي بيحصل في الواقع زي سلسله مولانا كده اللهم لك الحمد كنت ادخل
السوبر ماركت ادخل اي حته امشي في الشارع القي الناس متفاعله معاه ليه لأنها كانت قضيه الناس
تعيانه بسببها شبهات من اهل الفن ضد الدين وضد العقيده لما اترد عليها كان ليها اثر كبير جدا انه
انقلب السحر على الساحر وفي نشر الالتزام بفضل ومنه الله بين شباب وبنات كتير جدا فده فكرتها ان
احنا نجيب احداث الواقع إن شاء الله باذن الله المتحمسه تدخل معايا في هذا الفريق ان شاء الله
ويبقي فيه متابعه معاهم ان شاء الله تقدم لزوجه الشيخ احمد طاهر اقول قولي هذا واستغفر الله العظيم
لي ولكم سبحانه الله وبحمدك اشهد ان لا اله الا انت استغفرك وانتوب اليك ..